

衡陽縣志卷之四

知縣事

昌樂閻肇煊

沔陽李光笈

纂修

疆域 形勢附

畫井分疆肇自軒皇地邑民居蓋參相得也惟我聖朝車書一統薄海內外遠近相制小大相維如身之使臂臂之使指固無此疆彼界之殊衡邑分治西北因其山川物其土宜正其風俗有分土無分民是在良有司之相時度勢矣

府治在長沙府南三百六十里東至江西吉安府永寧

衡陽縣志 卷之四

疆域

縣界三百四十里西至寶慶府邵陽縣界一百二十里南至桂陽州界一百六十里北至長沙府湘潭縣界一百三十五里東南至郴州治三百里西南至永州府治三百五十里東北至吉安府治八百七十里西北至湘潭縣界一百六十里由府治北至

京師四千九百里東西廣四百六十里南北袤二百九十五里

衡陽為衡州附郭縣至府治一里原編戶四十五里有上十五里中十五里下十五里以西鄉為上十五里南北交互為中十五里割南益東為下十五里蓋以

土田之瘠腴辨上下也其實在鄉者止四十二里自一都至四十二都而在邑者城內曰雍和坊城外之西曰西廂東曰東廂從城外擘分而南北該之故徵糧起科有雍都東廂西廂名目乾隆二十一年分設清泉縣從東南鄉二十四都起至三十九都止又割西鄉之二十三都城內雍和坊分正街以東及城外東鄉屬之而衡陽自一都至二十二都又自四十都至四十二都城內雍和坊正街以西城外西廂仍隸舊版是衡陽轄二十五都坊廂亦與清泉分隸矣東至清泉縣治一里憑本城正街中分爲清泉縣界

衡陽縣志

卷之四

疆域

二

西至磨石舖一百二十里爲寶慶邵陽縣界

南至祁陽縣界一百里

北至九渡舖五十里爲衡山縣界

東南至清泉縣界七十里

西南至大凹小路一百三十里右爲寶慶邵陽縣界

左爲永州祁陽縣界

東北至清泉縣界五十里

西北至黃龍凹小路一百里亦衡山縣界

又西少北至黃龍山道上高漢小路一百四十里爲長沙湘鄉縣界

西北至南嶽廟九十里

北至長沙省城陸路三百六十里水路五百里

北至湖廣省城陸路一千里水路一千二百五十里

北陸路四千九百里水路五千六百里達於

京師

坊廂

雍和坊 城內南門至北門正街以西皆是

西廂 城外自大西門右至小西門及北門以下直抵來雁塢皆是

都里

按明制編都有太平政平等名目各分里甲康熙

衡陽縣志

卷之四

疆域

三

年間偏撫趙申喬倣衡山例廢里編區至今便之

一都 原長樂上里三都距城一百二十里

二都 原長樂上里二都距城一百里

三都 原長樂上里一都距城八十里

四都 原長樂下里一都距城六十里

五都 原長樂下里二都距城六十里

六都 原長樂下里三都距城一百里

七都 原長樂下里四都距城一百二十里

八都 原金蘭二都距城一百二十里

九都 原金蘭五都距城一百二十里

十都 原金蘭三都距城一百二十里

十一都 原金蘭六都距城一百里

十二都 原永伏下四都距城九十里

十三都 原永伏上四都距城九十里

十四都 原永伏七都距城七十里

十五都 原永伏六都距城八十里

十六都 原永伏三都距城一百里

十七都 原永伏二都距城一百里

十八都 原光政一都距城九十里

十九都 原光政三都距城五十里

衡陽縣志 卷之四

疆域

四

二十都 原重江三都距城五十里

二十一都 原重江一都距城四十里

二十二都 原清化五都距城七十里

四十都 原政義二都距城五里

四十一都 原政義一都距城十里

四十二都 原募化一都距城八十里

形勢 附

元和郡國志東傍湘江西背蒸水

圖經衡之爲郡直雁峰之北瀟湘帶其左

函史南連鷄峒東倚桂陽山水甲天下爲湖右與區

羅洪先輿地圖山川險要

舊志衡城右帶湘水左注蒸流東洲浮其上石鼓

其下白石岫嶺兩峰峙立隔岸望之形如偃月

郡志郡之鎮曰南嶽嶽脉發於岷山由蜀入黔南方  
之幹也自騎田嶺入楚蘊崇苑積起而爲衡嶽其勢  
蜿蜒從岫嶺峰走郡西郭至花藥山委折而下結爲  
郡治

高秦原論云岷山自蜀入黔至騎田嶺入楚遂東至  
於邵陽經八面龍山又東至耶薑山東北至峽口蒸  
水出焉其一由湘鄉之鳥巢峰起而爲衡嶽其一西

衡陽縣志

卷之四

疆域

五

至於祁陽蘊崇鬱積東南入縣之南鄉太湖山又折  
而至京山過古礫寺界入於雲阜山西南從雨母嶺  
走縣之花藥山南至雁峰結爲縣治

郭形夙擅名勝通邑之勢耒水自東南來承抱於下  
蒸水自西北來廻偃於上平皋舒眺崇嶺夾流縈紆  
逶迤秀色寵從非設險之巖邑而寰中之清麗者也  
徐霞客遊記衡州北門外過青草橋有華巖松羅綠  
竹諸菴連絡幽靜明潔唄誦之聲相聞乃桂藩焚修  
地循菴而東入桂花園爲桂藩新構慶桂堂地前列  
丹桂三株皆聳幹參天接陰蔽日其北寶珠茶五株

亦鬱森殊匹又東爲桃花源南北俱高岡夾峙中層  
疊爲池池兩旁依岡分塢皆梵宮紺宇諸藩闌亭榭  
錯出其間桃花源上卽桃花冲乃嶺坳也其南最高  
處結亭曰停雲從亭北逾桃花冲坳東復岡夾成池  
越池而上卽來雁塔塔前爲雙練塘西對石鼓返眺  
蒸湘交會亦勝景也登塔四眺諸峰北惟衡嶽最高  
次西之雨母山又次則西北大海嶺餘皆岡壘高下  
無甚崢嶸而東南二面豁然無際湘水自廻雁北注  
城東至石鼓合蒸水遂東轉經塔下東合耒水北去  
三水曲折不及長江一望無盡而紆廻殊足戀也

衡陽縣志

卷之四

疆域

六

郡南門外廻雁峰不甚高東臨湘水北瞰羈城俱在  
足下雁峰寺籠罩峰頂無餘隙

北門外石鼓山在臨蒸驛後湘水南流蒸水北繞山  
由其間東突成峰前有禹碑亭後有大觀樓平視衡  
城與廻雁南北相對蒸湘夾其左右近出窻櫺下近  
而萬家烟市三水帆檣遠極於岳雲嶺木亦爲披映  
雖書院宏備不及吉安白鷺而地爲名賢樂育之區  
兼滕王黃鶴之勝非白鷺所得侔矣樓後爲七賢祠  
最後爲生生閣閣東下瞰蒸湘合流於前耒水北入  
二里外與大觀東西易向大觀踞山巔收南北兩三

面之奇此則東盡二江合流之勝者又東爲合江亭  
址稍下臨流愈近此山從郡城東北特起垂江爲衡  
州第一重水口山來雁塔又峙於蒸水東耒水北爲  
第二重南瀕江與石鼓夾峙蒸水左右